

## Fjármál

Ályktun Reykjavíkurbings 2017

### Almenn atriði

- Útsvar lækkað
- Skuldir greiddar upp
- Ráðdeild í rekstri borgarinnar

### Tekjuhlöð

Sjálfstæðisflokkurinn vill að útsvar verði lækkað í áföngum og komið niður fyrir meðalútsvar á landsvísu á kjörtímabilinu. Markmið til lengri tíma er að útsvarið fari í lögbundið lágmark, þ.e. úr 14,52% í 12,44%. Reykjavík á að vera fyrsti kostur fyrir alla þá sem vilja búa á höfuðborgarsvæðinu.

Með auknum íbúafjölda aukast útsvarstekjur sem gerir borgina betur í stakk búna til að sinna grunnþjónustu.

Reykjavíkurborg skal tryggja að ávallt sé nægjanlegt framboð af lóðum til sölu. Sjálfstæðisflokkurinn vill að byggingarréttargjald verði felld niður. Þá skal gatnagerðargjald vera samkeppnishæft við nágrannasveitarfélög. Þannig verður tryggt að lóðir í nýbyggingarhverfum séu seldar á kostnaðarverði. Lagt er til að öllum leigulóðum íbúðarhúsnæðis verði afsalað til eigenda húsnæðis þess sem á lóðunum stendur.

### Útgjaldahlöð

Mikilvægt er að sýna ráðdeild í rekstri borgarinnar.

Velferðarsvið: Sjálfstæðisflokkurinn vill hverfa frá lóðaskortsstefnu, leggja áherslu á hjálp til sjálfshjálpar og skýrari stefnumörkun. Forgangsráðað skuli í þágu barna, aldraðra og fatlaðra en öðrum hópum hjálpað til sjálfshjálpar. Þess er vænst að slík stefnumörkun dragi úr eftirspurn eftir velferðarþjónustu á næstu árum.

Skóla og frístundasvið: Tryggja þarf að allir fái nám við hæfi, en þó þannig að aðstoð við einn skerði ekki þjónustu við aðra. Þá verður að tryggja að fjármagn fylgi nemendum og að val sé um skóla. Innleiða þarf breytingar sem draga úr miðstýringu og stuðla að auknu sjálfstæði hvers leik- og grunnskóla.

Umhverfis- og skipulagssvið: Dregið hefur úr fjárframlögum til samgöngumála. Vinda verður ofan af uppsafnaðri viðhaldspörf og forgangsráða í þágu brýnna samgönguúrbóta.

Íþrótt- og tómstundasvið: Standa þarf vörð um forvarnargildi íþrótt- og tómstundastarfs.

Menningar- og ferðamálasvið: Taka þarf framlög og styrki til menningarmála til gagngerrar endurskoðunar og forgangsráða fjármunum í þágu barna- og unglinga. Stefnt skuli að því að styrkir frá einstaklingum og fyrirtækjum ásamt aðgangseyri standi að mestu undir rekstri safna í eigu borgarinnar.

### Annað

Sjálfstæðisflokkurinn leggur til að Malbikunarstöðin Höfði verði seld og söluandvirðið nýtt til uppgreiðslu skulda.

Öll sveitarfélög á höfuðborgarsvæðinu að Reykjavík undanskilinni bjóða út sorphirðuþjónustu til einkaaðila. Bjóða skal út rekstur sorphirðu Reykjavíkurborgar í áföngum, hverfi fyrir hverfi, þannig að til lengri tíma litið verði öll sorphirða komin í útboð. Þá skal skoða sölu á Sorpu í samstarfi við önnur sveitarfélög höfuðborgarsvæðisins.

Sjálfstæðisflokkurinn í Reykjavík er fylgjandi því að afnumin verði sú skylda sem hvílir á Reykjavíkurborg samkvæmt lögum að fjölga borgarfulltrúum úr 15 í að minnsta kosti 23 við næstu sveitarstjórnarkosningar í maí 2018 og vill færa það í hendur borgarstjórnar sjálfrar að ákveða hvort þörf sé á fjölgun borgarfulltrúa.